



Ika-Napulo'g Unom nga Dominggo
sa Kasarangang Panahon
Hulyo 20, 2014

**Ma-Dominggong Tamdanang Liturhikal alang sa
Simbahan sa Kabus sa Diwa sa Bag-ong Ebanghelisasyon**

Ang Simbahan sa kabos, pinaagi sa Gagmayng Simbahanong Katilingban, nagabayaw sa mga agulo sa katawhan ug sa mga binuhat isip putling pag-ampo ngadto sa langit diha sa iyang pagsaksi sa pagtuo sa mga kabus sa Dios kansang pailub naghatag ug panahon sa paghinulsol ug pag-bag-o!

Karon, opisyal na nga ang Santo Papa Francisco, moabot sa Pilipinas aron sa pagduaw sa mga biktima sa bagyong Yolanda (ngalang internasyonal “Haeyan”). Sa iyang pagbisita, ang lalawigan sa Leyte isla nga simbolo; ang takdong dapit nga pagasaulogan sa Eukaristiya itakda pa. Atong pamalandongan kining talagsaong panghitabo, diha sa diwa sa atong pagtuo uban sa malaumong pagpaabot. Matud pa sa PKP-II:

“B. Ang Tawag ni Jesus Karon

(62) Si Jesus dili lamang usa ka makasaysayanong tawo, nga nahipatik lamang sa panumdoman sa iyang mga sumusunod. Si Jesus buhi! Siya, nga gilansang sa krus, nabhaw gikan sa mga minatay. Siya naga-uban sa iyang mga tinun-an hangtud sa katapusan sa panahon. Siya mao ang atong kadungan.

(63) Ginatawag niya ang mga tawo ngadto kaniya. Siya mao ang dalan, ang kamatuoran, ug ang kinabuhi. Walay makaadto sa Amahan kon dili pinaagi kaniya. Siya mao ang matuod

nga kahayag nga maglamdag sa tanan. Wala nay laing ngalan pa ubos sa langit nga makaluwas kanato. Ang iyang tawag midangat sa matag tawo ug sa kinalayo-ang bahin sa mga gilalang sa mga paaging ang Dios lamang ang nasayod.

1. Tubag Sa Tawag: Pagtuo

(64) Ang pagtuo nga giunhan sa usa ka tinuod-anay nga pagkausab, mao ang atong positibo nga tubag niining tawag ni Hesus. Mao kini ang usa ka personal nga pagdawat sa pagkatawo ni Kristo isip Ginoo ug Manluluwas. Mao kini ang pag-ingon ‘Palihug, sulod!’ ngadto kang Kristo nga nagabarug sa pultahan ug nagatuktok. Mao kini ang pagduol kang Jesus, ang usa ka personal nga pakigsuod kaniya, ug pinaagi kaniya ngadto sa Amahan isip usa ka desisyon sa pagtugyan sa kaugalingon ug pagsunod kaniya ug sa iyang mga pamaagi. Kining desisyona mahimo lamang pinaagi sa gahum sa Espiritu Santo (1 Kor 12:3). Sa mga midawat kaniya ug nagatuo sa iyang ngalan, si Jesus naghatag sa gahum nga mamahimong mga anak sa Dios, ug mag-aambit sa diosnong kinaiya.”

Mga yanong pulong kini apan gamhanan, mahitungod kang Jesukristo. Dan, niining panglantawa, kinsa man siya sa imong kinabuhi? Kinsa siya alang kaninyo isip usa ka banay? Kinsa man siya diha sa inyong GSK? Nganong kinahanglang mag-una man ang kausaban sa dili pa ang personal, ug pinamilya ug katilingbanong pagtuo diha ni Jesus? ■

RITO SA PAGESUGOD

P: Sa ngalan sa Amahan ug sa Anak ug sa Espiritu Santo.

K: *Amen.*

P: Ang Ginoo maanaa kaninyo.

K: *Maanaa usab kanimo.*

Pasiuna ug Pag-abi-abi

P: Mga minahal kong mga igsoon: Sa atong pagsa-ulog karon, pangayoon nato sa Espiritu Santo nga gasahan kita sa grasya nga mahimon kitang tigdugtong sa mga agulo sa katawhan ug sa mga nilalang dinhi sa yuta ug sa langitnong kabubut-on sa Dios pinaagi sa pagdasig kanato sa pakig-uban sa mga kabus ug sa pagpamati uban kanila sa pulong sa Dios.

Akto sa Paghinulsol

P: Mga igsoon, ato karong angkonon ang atong mga sala aron mahimo kitang takus sa pagsaulog niining misteryo sa gugma ug kalooy sa Dios.

P: Ginoo, pasayloa kami sa wala pagpamati sa tingog sa mga kabus. Ginoo, malooy ka.

C: *Ginoo, malaoy ka.*

P: Kristo, pasayloa kami sa walay pagpakabana sa pagkaunlod sa imong mga binuhat. Kristo, malooy ka.

C: *Kristo, malooy ka.*

P: Ginoo, pasayloa kami sa among pagkulang sa pagpakabana ug sa pagka-walay kalooy. Ginoo, malooy ka.

C: *Ginoo, malooy ka.*

P: Kaloy-an unta kita sa Dios nga makagagahum sa tanan ug pasayloon sa atong mga sala, dad-on unta kita niya ngadto sa kinabuhing dayon.

K: *Amen.*

Himaya sa Diyos didto sa langit...

Kolekta

Mag-ampo kita: Kahimut-i, O

Ginoo, ang imong mga alagad ug, maloloy-on, dugangi ang mga gasa sa grasya alang kanamo, aron nga, magmainiton diha sa paglaum, pagtuo ug gugma, magmakanunayon sila sa pagtuman sa imong mga sugo. Kini among gipangayo pinaagi sa among Ginoong Jesukristo imong Anak, nga buhi ug hari uban kanimo ug sa Espiritu Santo, Dios nga usa, hangtud sa kahangturan.

K: *Amen.*

LITURHIYA SA PULONG

Unang Pagbasa: Kinaadman

12:13, 16-19

L: Pagbasa gikan sa Kinaadman

(Basahon gikan sa Kasulatan)

L: Ang Pulong sa Ginoo.

K: *Salamat sa Dios.*

Komentaryo sa Kinaadman

12:13, 16-19:

Ang Kinaadman, sa biblikanhong tradisyon, mao ang halawom ug batakang pagsabut sa kasarangang kasinatian sa tawo. Sa iyang pagpamalandong sa konkretong kasinatian sa tawo sa mga materyal nga mga butang, gimatuod sa kinaadman nga kinsa man gani ang nag-atiman sa tanang binuhat mao gayud ang Dios, ug walay lain. Diha sa dula tali sa maayo ug sa dautan, sa mga kalig-on ug kahuyang sa mga nilalang, ilabina diha sa kasaysayan sa tawo nga nagpakita sa kasaysayan sa pagkakamaunungon ug pagluib, kalingkawasan ug pagdaugdaug, kalinaw ug gubat sa Israel tali sa ubang mga katawhan sa Kanaan, nahikaplagan sa kinaadman ang hiyas sa matuod nga Dios nga mas makatarunganon pa kay sa pagsilot. Ang matuod nga Diyos mas luag ug mapailubon kaysa manlulupig ug diktador. Kini tungod kay siya gamhanan ug labaw

sa tanan. Nakita sa kinaadman nga ang mga hiyas sa matuod nga Dios mga hiyas gayud usab unta sa iyang katawhan, kay siya nagtudlo kanila unsaon paghisama kaniya: kinsay adunay gahum sa mga binuhat ang adunay katakus malooy, mabination, mapailubon, maaghop ug makiangayon. Kadtong di-makatarunganon, higpit ug mapanghusga mga walay pagsalig sa ilang kahiladman!. Ang kalooy sa Dios naghatag kanato ug panahon sa paghinulsol ug sa pagbag-o!

Salmo Responsoryo: Salmo 86:5-6, 9-10, 15-16

(Basahon gikan sa Kasulatan)

Komentaryo sa Sal 86:

Usa kini ka pag-ampo, balaknong pagkabuhat, diin ang nangaliyupong salmista nagatu-aw sa iyang mga kaguol ug mga pag-antus nga walay hinungdan. Ug ang magbabalak mibaling sa Dios aron tubagon ang iyang mga kagulangan. Taliwala sa dakong pagtu-aw sa panginahanglan sa magbabalak mao ang usa ka pagpasalamat sa Dios: ang Dios diay maloloy-on ug mapasayloon sumala sa personal nga kasinatian sa magbabalak; ang Dio bantogan sa iyang mga buhat ug takus nga pagasimbahon sumala sa kasinatian sa mga nasud. Unya ang magbabalak mibalik sa iyang magul-anong tawhanong pagkabutang: diha sa nahiagomang dili makatarunganon nga kasakit ug pag-antus, Ginoo, ihatag sa imong alagad ang kalig-on!

Ikaduhang Pagbasa: Rom 8:26-27

L: Pagbasa gikan sa sulat ni San Pablo ngadto sa mga taga-Roma

(Basahon gikan sa Kasulatan)

L: Ang Pulong sa Ginoo.

K: *Salamat sa Dios.*

Komentaryo sa Rom 8:26-27:

Kini maoy pagtapos sa bahin sa pagpahayag ni San Pablo mahitungod sa paglaum sa himaya. Ang partikular nga Kristohanong papel sa pagpadayag sa Ebanghelyo sa kinatibuk-ang kaluwasan diha sa pakighiusa uban sa mga nag-antus ug sa mga naghulat, mao ang paghatag sa pagpamatuod sa paglaum. Apan kini mahitabo lamang tungod sa presensya sa Espiritu Santo. Siya naghatag ug gahom sa Kristohanong mga buhat ug naghimo sa atong mga pag-ampo nga epektibo. Gilambigit niya ang Kristohanong pagpadayag sa konkretong Kristohanong pagsaksi. Gidugtong niya ang mga tinguha sa kasingkasing sa tawo dinhi sa yuta ug ang langitnong kabubut-on sa Dios. Gihimo niya ang mga kasakit ug mga agulo sa kalibutan nga mga matahum ug putling pag-ampo ngadto sa langit!

Berso sa Aleluya:

T: **Aleluya, aleluya.** Bulahan ikaw, Amahan, Ginoo sa langit ug sa yuta; imong gipadayag sa mga kabus ang mga misteryo sa gingharian!

T: **Aleluya, aleluya.**

Ebanghelyo: Mat 13:24-43

P: Ang Ginoo maanaa kaninyo.

K: *Maanaa usab kanimo.*

P: Ang Santos nga Ebanghelyo sumala ni San Mateo.

K: *Himayaon ikaw, O Ginoo.*

(Basahon gikan sa Kasulatan)

P: Ang Ebanghelyo sa Ginoo.

K: *Daygon Ikaw, O Kristo.*

Komentaryo sa Mat 13:24-43:

Ang Gingharian sa Langit nagbansay sa tiunay nga makasaysayonong pailub sa pagdawat niya sa panag-uban sa maayo ug sa dautan diha sa pagligid sa tawhanong kasaysayan dinhi sa yuta. Sama nga ang mga sagbot karon

mamahimong makaon nga mga tanom ugma damlag, dan adunay paglaum usab alang sa pagbag-o ug pag-usab sa makasasala sa dagan sa kasaysayan, hangtud sa katapusang adlaw sa paghukom. Ang katilingbanong kusog nga nagtulod sa kasaysayan padulong sa kausaban mao mga kabus ug ang mga timawa. Ang ilang mga proyekto alang sa radikal ug batakang kausaban, bisan unsa ka gamay sa iyang pagsugod, susama sa patubo sa harina. Sila mao ang mga maayong mga lumulupyong sa gingharian; ang ginghariang mapailubon nga nagahulat alang sa pagbag-o sa mga lungsoranon nga nalingaw sa gingharian sa dautan, hangtud sa adlaw sa paghukom.

Ubani si Fr. Ben Alforque, MSC sa Missionaries of the Sacred Heart sa iyang **GOSPEL BREAK**, hamubo apan makalingaw nga video mahitungad sa Ebanghelyo karong Dominggo. Bisitaha ang gospelbreak.wordpress.com. o pinagi sa inyong smartphone o tablet i-swipe kini nga QR code.



Please help us continue publishing this Missalette with your donation.

Any amount is appreciated no matter how small.

Thank you!

Account Name:

Communication Foundation for Asia
Metrobank V-Mapa, Sta. Mesa,
Manila Branch:

SA# 3306-509-480

BDO Old Sta. Mesa Road, Manila Branch:
SA# 7090-042-836

Please fax deposit slip to 713-2736

We are located at # 4427 Old Sta. Mesa St.,
Sta. Mesa, Manila

Wali: Ang Simbahan sa kabos, pinaagi sa Gagmayng Simbahanong Katilingban, nagabayaw sa mga agulo sa katawhan ug sa mga binuhat isip putling pag-ampo ngadto sa langit diha sa iyang pagsaksi sa pagtuo sa mga kabus sa Dios kansang pailub naghatag ug panahon sa paghinulsol ug pag-bag-o!

Sumadang Mensahe sa mga Pagbasa sa Dominggo	Ang Simbahan sa Kabos: Konkreto Hulangway sa kabus ug sa ilang kahimtang	Mga Puntos para sa Pamalandong/Panawagan/Hagit
<p>Ang Simbahan sa kabos, pinaagi sa Gagmayng Simbahanong Katilingban, nagabayaw sa mga agulo sa katawhan ug sa mga binuhat isip putling pag-ampo ngadto sa langit diha sa iyang pagsaksi sa pagtuo sa mga kabus sa Dios kansang pailub naghatag ug panahon sa paghinulsol ug pag-bag-o!</p>	<p>Unsay imong nakita nga mga agulo o mga hinungdan sa kasakit ug pag-antus sa katawhan ug sa kinaiyahan diha sa inyong lugar, o sa inyong GSK?</p> <p>Giunsa nimo paglambigit niini nga mga pangamuyo sa langitnong kabubut-on sa Dios?</p>	<p>Gilambigit sa Espiritu Santo ang mga pangan-doy ug mga agulo sa katawhan ug mga nilalang dinhi sa yuta ug ang diyosnong laraw alang sa katawhan ug sa mga binuhat. Kinahanglan gayud nga kita moabli sa atong mga kasingkasing diha sa Espiritu ug makabig sa iyang inspirasyon ug mamahimong instrumento sa pagbag-o ug kausaban.</p>

Padayag sa Pagtuo

P: Nagatoo ako...

K: ...Sa Dios ang Amahan ang makagagahum sa tanan, Magbubuhay sa langit ug yuta; nagatoo ako kang Jesukristo, ang Iyang bugtong Anak, atong Ginoo. Gipanamkon Siya sa lalang sa Espiritu Santo, (*Moyukbo ang tanan*) ug natawo gikan ni Maria nga Ulay. Nag-antos Siya sa sugo ni Poncio Pilato, gilansang sa krus, namatay ug gilubong. Miadto Siya sa mga

nangamatay. Sa ikatulong adlaw nabanhaw Siya. Misaka Siya sa langit ug nagalingkod sa too sa Dios, ang Amahan, ang makagagahum sa tanan. Mobalik Siya aron paghukom sa mga buhi ug sa mga minatay. Nagatoo usab ako sa Espiritu Santo, sa santos ug Katoliko nga Simbahan, sa pagpasaylo sa mga sala, sa pagkabanhaw sa lawas, ug sa kinabuhing walay katapusan. Amen.

Mga Katilingbanong Pag-ampo

P: Mga igsoon, sa maka-usa pa, malipayon ug mapaubsanon natong pangayoon sa atong Amahan ang mapadayonong pag-abli sa atong mga kasingkasing alang sa mga gasa sa Espiritu nga nagpuyo sa atong mga kahiladman ug makabig kita sa mga pagtultol sa mao ra usab nga Espiritu. Sa matag pag-ampo ang atong tubag: Ginoo, pun-a ug dasiga kami sa imong Espiritu.

T: Ginoo, pun-a ug dasiga kami sa imong Espiritu.

L: Mag-ampo kita alang sa Simbahan: nga isip usa ka Simbahan sa mga Kabus sa tibuok kalibutan, iyang ipadayon ang pagbayaw sa agulo sa katawhan ug sa mga nilalang isip putli nga mga pag-ampo ngadto sa langit pinaagi sa pagsaksi sa pagtoo sa mga kabus diha sa Dios kansang pailub naggahin ug panahon alang sa paghinulsol ug sa pagbag-o! Mag-ampo kita sa Ginoo.

T: Ginoo, pun-a ug dasiga kami sa imong Espiritu.

L: Alangsa atong Santo Papa, Papa Francisco I, sa mga obispo, pari, diyakono, kanilang nanagpuyo sa kinabuhing konsagrado ug sa tanang gitugyanan sa pag-amoma ug pagdumala sa Simbahan isip katawhan sa Dios: nga, dinasig sa Espiritu Santo, bansayon unta nila ang makanunayong pagpangalagad uban sa pailub, kalomo, pagsabot ug pagkamaloloy-on sa mga katawhan,

dili alang sa ilang panginabuhi. Mag-ampo kito sa Ginoo.

T: Ginoo, pun-a ug dasiga kami sa imong Espiritu.

L: Alang sa mga pangulo sa kalibutan ug sa tanang gitugyanan sa pangagamhanan ug pagdumala sa mga butang sa kalibutan: nga sila magpanday ug mga reporma sa mga bilanggoan ug mga palisiya niini aron nga ang mga binilanggo motubo diha sa kaayo ug gugma sa Dios pinaagi sa pagtukod ug katilingbanong diwa, gugma, hustisya ug kalooy, personal nga integridad ug komon nga edukasyon sa pag-alagad sa katawhan ug sa mga nilalang. Mag-ampo kita sa Ginoo.

T: Ginoo, pun-a ug dasiga kami sa imong Espiritu.

L: Alang kanato, mga lumulupyo sa kalibutan ug mga lungsoranon sa langit: nga kita magtinabangay sa pagpakaon sa gigutom, pagpainum sa mga giuhaw, pagsaput sa hubo, pagbisita sa masakiton ug sa mga binilanggo, paghatag ug kapisilongan sa walay mga balay, paglubong sa atong mga minatay, ug sa pagpanalipod sa atong kinaiyahan batok sa mapatuyangon ug mapahimuslanong pagpahimulos niini, tungod kay kita tinuod nga mga lumulupyo sa gingharian. Mag-ampo kita sa Ginoo.

T: Ginoo, pun-a ug dasiga kami sa imong Espiritu.

L: Alang sa mga hinigugma natong nipanaw na: nga sa kapasayloan sa ilang mga sala, sila makakaplag sa walay katapusang pagpahulay diha sa kasingkasing sa atong Ginoo ug Manluluwas nga si Hesukristo. Mag-ampo kita sa Ginoo.

T: Ginoo, pun-a ug dasiga kami sa imong Espiritu.

L: Alang sa atong espesyal nga mga tinguha, diha sa kahilom sa atong kasingkasing. (*Hunong*) ...Mag-ampo kita sa Ginoo.

T: *Ginoo, pun-a ug dasiga kami sa imong Espiritu.*

P: Ginoong Dios, kini mao ang mga pag-ampo nga among ihalad kanimo. Kami nangamuyo kanimo nga ihatag mo sila kanamo pinaagi sa paghimo kanamo nga sensitibo sa mga lihok sa Espiritu sa among kinabuhi, diha sa among silingan, sa katilingban, sa kalibutan ug sa tanang mga binuhat. Kini among gipangayo pinaagi ni Kristo among Ginoo.

T: Amen.

LITURHIYA SA EUKARISTIYA

Paghalad sa mga Gasa

P: Dayegon ikaw, Ginoong Dios sa tanang kalibutan, kay gikan sa imong kamanggihatagon nadawat namo kining among gihalad kanimo, ang pan nga abut sa yuta ug ginama sa kamot sa mga tawo. Mahimo kini nga kalan-on sa kinabuhi alang kanamo.

K: Daygon ang Dios hangtod sa kahangturan.

P: Dayegon ikaw, Ginoong Dios sa tanang kalibutan, kay gikan sa imong kamanggihatagon nadawat namo kining among gihalad kanimo, ang bino nga abut sa yuta ug ginama sa kamot sa mga tawo. Mahimo kini nga ilimnon nga espirituhanon alang kanamo.

K: Daygon ang Dios hangtod sa kahangturan.

P: Mga igsoon, pag-ampo kamo, aron ang ako ug ang inyong sakripisyo dawaton unta sa Dios nga Amahan, makagagahom sa tanan.

K: Dawaton unta sa Ginoo ang sakripisyo gikan sa imong mga kamot; alang sa pagdayeg ug paghimaya sa iyang ngalan, alang usab sa atong kapuslanan ug sa tibuok niyang santos nga Simbahan.

Pag-ampo Alang sa Mga Halad

P: O Dios, pinaagi sa usa ka hingpit nga sakripisyo nga nagdala ngadto sa kahumanan sa nagkadaiyang

mga halad sa balaod, dawata, naga-ampo kami, kining halad gikan sa matinud-anon mong mga alagad, ug balaana kini, ingon nga gipanalanginan mo ang mga gasa ni Abel, aron ang gihalad sa matag usa alang sa kadunggan sa imong pagkahalangdon makapa-angkon sa kaluwasan sa tanan. Pinaagi ni Kristo among Ginoo.

K: Amen.

Prepasyo

P: Ang Ginoo maanaa kaninyo.

K: Maanaa usab kanimo.

P: Ibayaw ang inyong mga kasingkasing.

K: Amo nang gibayaw ngadto sa Ginoo.

P: Magpasalamat kita sa Ginoong atong Dios.

K: Angay ug matarong.

P: Angay ug matarung gayud, sibo ug makaluwas, kanunay ug sa tanang dapit nga magpasalamat kami kanimo, Ginoo, santos nga Amahan, labawng makagagahom ug walay-kinutubang Diyos.

Kay sa diha nga ang imong mga anak nagkatibulaag tungod sa sala, pinaagi sa Dugo sa imong Anak, ug sa gahum sa Espiritu, sila imong gitigum pag-usab diha sa imong kaugalingon, nga ang usa ka katawhan, na-umol nga usa pinaagi sa panaghiusa sa Trinidad, nga gihimo sa lawas ni Cristo ug sa templo sa Espiritu Santo, sa pagdayeg sa imong pinilo-pilo nga kaalam, mapadayag nga Simbahan.

Ug busa, diha sa panon sa tingog sa mga Anghel, magadayeg kami kanimo ug uban sa hingpit nga kalipay kami magmantala:

Santos

K: Santos, Santos, Santos nga Ginoo, Dios sa kagahaman. Puno

*ang langit ug yuta sa imong
himaya. Osana sa kahitas-an.
Dayegon ang nagaanhi sa ngalan
sa Ginoo. Osana sa kahitas-an.*

Pag-ampo sa Eukaristiya

*(Human sa konsagrasyon, ang
aklamasyon:)*

P: Kini ang misteryo sa pagtoo.

**K: Gisangyaw namo ang
imong Kamatayon, O Ginoo,
ug gipadayag namo ang imong
Pagkabanhaw hangtud sa imong
pagbalik pag-usab.**

*(Sa pagtapos sa Pag-ampong
Eukaristiko, ang pari moingon:)*

P: Pinaagi kaniya, uban kaniya
ug diha kaniya, gihatag nganha
kanimo makagagahom nga
Amahan, diha sa kahiusa sa
Espiritu Santo ang tanang dungog
ug himaya hangtod sa kahangturan.

K: Amen.

Rito sa Pangalawat

P: Karon mag-ampo kita sa
Amahan, atong gamiton ang mga
pulong nga gitudlo kanato sa atong
Manunubos.

*K: Amahan namo, nga anaa sa
mga langit, pagdayegon ang imong
ngalan, umabot kanamo ang imong
ginharian, matuman ang imong
pagbuot dinhi sa yuta maingon
sa langit. Ang kalan-on namo
sa matag adlaw, ihatag kanamo
karong adlaw ug pasayloa
kami sa among mga sala, ingon
nga nagapasaylo kami sa mga
nakasala kanamo, ug ayaw itugot
nga mahulog kami sa panulay
hinonoa luwasa kami sa dautan.*

P: Mangayo kami kanimo, Ginoo,
nga imo kaming luwason sa tanang
dautan. Hatagi kami sa kalinaw
niining panahona, aron, tinabangan
sa imong kalooy, mahalikay kami
kanunay sa sala ug mahilayo
sa tanang kasamok, samtang

nagapaabot kami nga malaumon
sa pagbalik ni JesuKristo, among
manunubos.

*K: Kay imo man ang
gingharian/ ug ang gahom
ug ang himaya/ hangtod sa
kahangturan.*

P: Ginoong JesuKristo,
nag-ingon ka sa imong mga
Apostoles, “Ang kalinaw ibilin
ko kaninyo, ang akong kalinaw
ihatag ko kaninyo.” Ayaw tan-
awa ang among mga sala, kondili
ang pagsalig sa imong Simbahan
ug sibo sa imong kabubut-on
hatagi kami sa imong kalinaw ug
kahiusa, Ikaw nga buhi ug hari
hangtod sa kahangturan.

K: Amen.

P: Ang kalinaw sa Ginoo sa
kanunay maanaa kaninyo.

K: Maanaa usab kanimo.

P: Ipakita ta ang atong panag-
inigsoonay.

Kordero sa Dios

*K: Kordero sa Dios nga
nagawatang sa mga sala sa
kalibutan, kaloy-i kami. Kordero
sa Dios nga nagawagtang sa
mga sala sa kalibutan, kaloy-i
kami. Kordero sa Dios nga
nagawagtang sa mga sala
sa kalibutan, hatagi kami sa
kalinaw.*

Pangalawat

P: Kini mao ang Kordero sa
Dios nga nagawagtang sa mga
sala sa kalibutan. Bulahan ang
gidapit alang sa panihapon sa
Ginoo.

*K: Ginoo, dili ako angay
nga mokalawat kanimo, apan
ipamulong lamang ug mamaayo
ako.*

Pag-ampo Human sa Pangalawat

P: Mag-ampo kita: O Ginoo, manggihatagon maania unta ikaw sa imong katawhan ug giyahi sila nga imong gipuno sa diosnong mga misteryo nga makalabang gikan sa karaang kinaiya ngadto sa bag-ong kinabuhi. Pinaagi kang Kristo nga atong Ginoo.

K: *Amen.*

Katapusang Panalangin:

P: Ang Ginoo maanaa kaninyo.

K: *Maanaa usab kanimo.*

P: Iduko ang atong ulo alang sa panalangin: Tan-awa Ginoo uban sa imong kalooy ang imong banay ug ihatag ang imong walay katapusan nga mahigugmaong-kalooy sa mga nangita niini: ug sa ingon nga kung wala ang imong kalooy, sila dili mamahimong takus diha kanimo, mao nga pinaagi niini, magmasinugtanon unta sila sa pagtuman sa imong makaluwas nga mga sugo. Pinaagi kang Kristo nga among Ginoo.

K: *Amen.*

P: Ug ang mga panalangin sa labawng makagagahum nga Dios, ang + Amahan ug Anak ug ang Espiritu Santo, mokunsad unta diha kaninyo ug magpabilin diha kaninyo kanunay.

K: *Amen.*

Pagpanglakaw

P: Panglakat kamo ug isangyaw ang maayong balita sa Ginoo.

K: *Salamat sa Dios. ■*

**Ang
Simbahan sa
Kabos, pinaagi
sa Gagmayng
Simbahanong
Katilingban,
nagabayaw sa
mga agulo sa
katawhan ug
sa mga
binuhat isip
putling
pag-ampo
ngadto sa
langit diha sa
iyang
pagsaksi sa
pagtuo sa mga
kabus sa Dios
kansang
pailub
naghatag ug
panahon sa
paghinulsol ug
pag-bag-o!**